

Prot. N. 577/2021

N.



CONGREGATIO
DE INSTITUTIONE CATHOLICA
(DE STUDIORUM INSTITUTIS)

CONGREGATIO DE INSTITUTIONE CATHOLICA (de Studiorum Institutis) attentis litteris postulatoriis Rev.mi Præpositi Generalis Societatis Iesu, Vice Magni Cancellarii Facultatis Iuris Canonici Pontificiæ Universitatis Gregorianæ in Urbe legitime præsentantis; perspecta favorabili sententia Ordinarii loci die XVIII mensis Martii, a.D. MMXXI atque Conferentiæ Regionalis Episcoporum Brasilianensis, die I mensis Martii, a.D. MMXXI, ad normam art. 11 Instructionis de Aggregatione Institutorum Studiorum Superiorum eiusdem Congregationis die VIII mensis Decembris a. D. MMXX emanatæ; re undique perpensa ac collatis consiliis cum iis quorum interest, ad normam art. 64 Constitutionis Apostolicæ *Veritatis gaudium*, art. 51 §1 *Ordinationum* eidem Constitutionis Apostolicæ adnexarum necnon art. 10 §1 memoratæ Instructionis de Aggregatione Institutorum Studiorum Superiorum, idem


INSTITUTUM IURIS CANONICI LONDRINENSE

hoc Decreto canonicè erigit et ad normam art. 10 §2 memoratæ Instructionis eidem Instituto personalitatem iuridicam publicam canonicam concedit, simulque idem

Facultati Iuris Canonici
Pontificiæ Universitatis Gregorianæ in Urbe

ad quinquennium experimenti gratia aggregat aggregatumque declarat, ex primo et secundo cyclo constans, ad academicos gradus scilicet Baccalaureatus et Licentiæ in Iure Canonico per Facultatem aggregantem consequendos, sub ductu et vigilantia eiusdem Facultatis positum; servatis peculiaribus Statutis ab hac Congregatione approbatis; ceteris servatis de iure servandis; contrariis quibuslibet minime obstantibus.

Datum Romæ, ex ædibus eiusdem Congregationis, die XXI mensis Martii, a. D. MMXXII.


PRÆFECTUS

+ 

A SECRETIS